

42

I. N. J.  
THESES PHYSICÆ,

DE

# TRANSPIRATIONE PLANTARUM,

QVAS,

EX CONSENSU AMPL. SENAT. PHILOS. IN REG.

ACAD. ABOËNSI,

PRÆSIDE,

CAROLO FRIDER.  
MENNANDER,

SCIENT. NAT. PROF. REG. & ORD:

REG. ACAD. SVEC. SCIENT. MEMBR.

PRO GRADU,

EXAMINANDAS SISTIT

ISAACUS FORTELIUS. O.B.

SACELLANUS IN PALDAMO.

IN AUDITOR. MAJORI, D. XXII. JUNII,

H. A. M. S. MDGCL.

ABOÆ, EXCUD. JOH. KÆMPE, REG. ACAD. TYP.

Grennur auftraler — J



THESIS I.



Unt perqyam multa, in qvibus inter se differunt animalia & vegetabilia. Illis imprimis sensationem & vim loco motivam, cum eo spectantibus organis, concessit natura. His ambas illas facultates denegavit. Utrumqve vero ob fines sapientissimos factum est.

THES. II.

**S**ed consentiunt etiam in multis. Respectu enim fabricæ & organismi, vitæ, propagationis, nutritionis, ætatum, motus, morborum eorumque medelæ, mortis denique, manifesta omnino hæc regna intercedit harmonia.

THES. III.

**Q**Væ ante Harvajana tempora aderant in œconomia animali tenebræ, exdem ante Malpighium & Grewium plantis incumbebant.

THES.

3  
THES. IV.

**A**ristotelici levi & jejunæ de corporum emanatione doctrinæ adqviescebant; sub generali enim & confusa sumi & vaporis notione exhalationes complectebantur. Egregie vero observavit Boyleus, esse effluvia tam varia, ac sunt ipsa, qvæ illa emittunt, corpora.

THES. V.

**U**tpote vascularis sunt structuræ corpora animalium & ipsius hominis, per qvos canaliculos propellitur humor vitalis, & per patula eorum orificia transpirat; ita idem in plantis animadvertisit.

THES. VI.

**O**mnes plantarum partes esse poris pertusas, ex observationibus microscopicis, & plurimis experimentis, constat. Imprimis pili, in superficie earum occurrentes, sunt ductus quidam excretorii.

THES. VII.

**T**ranspirationem vero per rimosam illarum superficiem, ut alia taceam, vel levigatis vel ingrata, qvæ multas earum ambit, atmosphæra, & humor, qui sub æstate matutino tempore foliis adhæret, abunde commonstrant.

**Q**uantitatem evaporantis materiæ, quam elicere transpirans flora, *Franciscus Tertius de Lanis, de la Hire, Woodwardus*, aliquique, determinare aggressi sunt. Sed non satis accurate in hoc negotio versatos eos fuisse deprehendimus.

**H**ALESIUS vero, prudentia omni adhibita, plurima circa præsentem rem instituit experientia. Et hac ratione animadvertisit, coronæ solis, tres pedes altæ cum dimidio, & pondere trium librarum, transpirationem maximam calidissimis anni diebus fuisse 1. libræ & 14. unciarum, medianam libræ 1. cum 6. uncii, vel 22. unciarum. Noctis autem calidioris non roridæ erat circiter 3. unciarum; rorescentis nulla. Humidiore nocte in planta sua 2. vel 3. unciarum observavit augmentum. Area vero superficie extra terram eminentis in hoc vegetabili, superficies radicis, & area horizontalis caulis, erant inter se ut numeri: 5616. 2286. 1. Et ex proportione reciproca harum superficierum celeritatem motus luci in his partibus determinavit.

5

THES. X.

**H**ominis mediæ staturæ pondus est 160. librarum; superficies corporis humani 15. pedum vel 2160. digitorum quadratorum. Habet itaque se pondus hominis ad huius plantæ gravitatem ut 160. ad 3. vel ut 53. ad unitatem. Superficies vero illius ad hanc ut 10. ad 26.

THES. XI.

**T**ranspirat homo in aëre Anglicano, ex observationibus Keillianis, viginti quatuor horas circiter 36. uncias. Esset itaque humana transpiratio ad coronæ solis, ut hic numerus ad 22.

THES. XII.

**S**ed ex transpiratione hominis 6. uncias esse subtrahendas observavit Halesius, quas respiratio & pulmones nocturni tempore ejicunt. Hinc transpirationem humanam ad hujus vegetabilis illam servare rationem observavit, ut in superficiebus & temporibus qualibus, habeat se illa ad hanc ut  $\frac{1}{5}$  ad  $\frac{1}{36}$ . vel ut 50 ad 15.

THES. XIII.

**A**bandonatorem in homine reddit transpirationem imprimis ingens caloris gradus, magna evaporationi producendæ idoneus, & duplo circiter major illo, quem in plantis animad-

advertisimus, qvæ aëris ambientis caloris gradum fere servant.

## THES. XIV.

**K**elliū corporis sui nutrimentum quotidianum esse 4. librarum & 10. unciarum invenerit. Corona solis eodem tempore attrahit & transpirat 22. uncias. Hominis itaque nutrimentum ad plantæ hujus illam servaret relationem, qvam habent 74. ad 22. vel proxime ut 7. ad 2. Sed monet ipse, ex hominis ingestis 5. uncias crassiorum excrementorum esse subtrahendas. Remanent itaque 4. librae 5. unciae, venas humanas ingredientis nutrimenti. Hinc compareret, in massis & temporibus æquilibus, plantam hanc decies & septies plus, qvam hominem, transpirare.

## THES. XV.

**D**atam itaque cernimus plantis ingentem superficiem, insigni huic transpirationi promovendæ. Qvam adeo abundantem esse oportuit, cum sit hæc in vegetabilibus unica a superfluis & noxiis evacuationis via.

## THES. XVI.

**D**ecies itaque & septies plus nutrimenti, eodem tempore, ratione habita massarum, vaſa

7

vasa succifera coronæ solis, quam hominis venas, intrat. Qvod ob diversam nutrimenti indolem videtur fieri. Humor enim, dum radices plantæ subit, non est ita turgidus particulis nutritivis, ac chylus, venas lacteas animalium subintrans. Hinc quantitate ejus maiore hoc compensandum erat. Cumque non tam varium sit plantæ nutrimentum, quam quo fruatur homo, facile secernitur & excernitur superfluus vapor. Motus etiam inde producitur in vegetabilibus celer, qui cordis defectum supplet.

THES. XVII.

**U**T pote in homine transpiratio, pro vario solidarum partium & cutis habitu, pro copia & varietate motus & mixtionis sanguinis, & aëris temperie, varie agere solet; ita etiam in plantis multum variat. Ubiqve tamen in universo hoc regno est insignis.

THES. XVIII.

**P**Lantas, quas tota hyeme viror non deferit, minus perspirare, quam illas, quæ sub adventu ejus defrondescunt, observavit iam Verus lamius. Hinc est, qvod possint priores illæ frigori resistere, cum ad conservationem sui exigua nutrimenti copia egeant. Perinde ac animalia

<sup>8</sup> malia hyemem somno & inedia transigentia,  
parum transpirant.

THES. XIX.

**E**xhalantis e vegetabilibus materiae partem maxime aqua constituit, non tamen omnem. Quamvis enim pelluciditate aquam puram emulatur, & gravitatem specificam fere eandem habeat; sapor tamen, odor, & ad putredinem proclivitas, huic admixta esse varia heterogenea testantur.

THES. XX.

**P**lante multum quoque aeris inspirant & exspirant,

THES. XXI.

**P**lanta rite transpirans se quam nitidissime colorat. Eadem magis sapit, quam quae languet & marceret.

THES. XXII.

**U**t transpirationi rite se habenti innititur humana sanitas, ita ejusdem interruptio morbos in plantis producit.

TANTUM.

¶ (o) ¶

